



## Gradonačelnik

Broj: 07- 1319 /25  
Srebrenik, 02.12 2025.

Na osnovu člana 37. Statuta Grada Srebrenik („Službeni glasnik Grada Srebrenik“, broj:1/24 ), te člana 8. Odluke o načinu dodjele i odabira korisnika stambenih jedinica po principu neprofitnog socijalnog stanovanja finansiranih od strane domaćih i međunarodnih donatora (“Službeni glasnik Grada Srebrenika” broj: 11/23), Gradonačelnik Grada Srebrenika raspisuje:

### JAVNI OGLAS ZA DODJELU U ZAKUP STAMBENIH JEDINICA U ZGRADAMA SOCIJALNOG STANOVANJA NA PODRUČJU GRADA SREBRENİKA

#### KORISNICI PRAVA

Korisnici prava na stambeno zbrinjavanje su:

- Raseljena lica, povratnici, izbjeglice,
- Korisnici stalne novčane pomoći, dječijeg dodatka, kućne njege utvrđene Rješenjem nadležnog Centra za socijalni rad,
- Lica koja borave u nužnom, alternativnom, neuslovnom smještaju,
- Lica bez novčanih primanja.

#### OPŠTI USLOVI

Opšti uslovi za ostvarivanje prava na dodjelu stambene jedinice u zakup:

1. Podnosilac prijave je državljanin BiH-e,
2. Podnosilac prijave ima prijavljeno prebivalište ili boravi na teritoriji Grada Srebrenika najmanje dvije godine, u trenutku raspisivanja Javnog oglasa,
3. Podnosilac prijave, kao i članovi zajedničkog domaćinstva nemaju u posjedu ili vlasništvu nepokretnosti na teritoriji Bosne i Hercegovine ili je ona neuslovna za život u smislu nepostojanja elektroinstalacija, vodovodnih i sanitarnih instalacija i prijetnja je po zdravlje ili stambena jedinica nije odgovarajuće površine s obzirom na broj članova domaćinstva.

Opšti uslovi za ostvarivanje prava na dodjelu stambene jedinice u zakup moraju biti kumulativno ispunjeni.

#### POSEBNI USLOVI

Posebni uslovi za ostvarivanje prava na dodjelu stambene jedinice u zakup:

1. Podnosilac prijave ili član zajedničkog domaćinstva je raseljeno lice, povratnik, izbjeglica ili druga socijalno ugrožena kategorija,
2. Podnosilac prijave ili član zajedničkog domaćinstva je korisnik stalne novčane pomoći, dječijeg dodatka, kućne njege utvrđene Rješenjem nadležnog Centra za socijalni rad,
3. Mjesečni prihodi po članu domaćinstva ne prelaze 10% prosječne neto plate isplaćene u Federaciji u prethodnoj kalendarskoj godini.

Isprave kojima se dokazuje da kandidat ispunjava kriterije za dodjelu stana u zakup su:

1. Ovjerena kopija lične karte,
2. Uvjerenje/Rješenje o novčanim primanjima iz Centra za socijalni rad,
3. Uvjerenje o novčanim primanjima po osnovu BIZ-a,

4. Uvjerenje o prebivalištu (CIPS prijava),
5. Kućna lista,
6. Ovjerena izjava o nepostojanju druge stambene jedinice i da nije primio donaciju,
7. Uvjerenje da nije korisnik donacije u prijeratnoj općini boravišta,
8. Uvjerenje porezne uprave da ne ostvaruje dodatne prihode,
9. Uvjerenje o statusu raseljenog lica,
10. Uvjerenje da ne posjeduje imovinu na području grada Srebrenik,
11. Dokaz o visini primanja za sve punoljetne članove (platna lista, ček od penzije...),
12. Uvjerenje o nezaposlenosti ili Uvjerenje Porezne uprave da se lice ne vodi u evidenciji aktivnih osiguranika,
13. Ovjerena izjava da podnosioc zahtjeva živi u stanu kod roditelja, koji ne odgovara potrebama porodice,
14. Ugovor stanodavca i podstanara (ukoliko podnosioc zahtjeva živi kao podstanar),
15. Rješenje o korištenju nužnog ili alternativnog smještaja (Služba za boračko-invalidsku zaštitu i društvene djelatnost),
16. Ovjerena izjava da podnosioc živi u objektu neuslovnom za stanovanje,
17. Rodni listovi za maloljetna lica,
18. Potvrda o redovnom školovanju za učenike i studente.

Nakon provedene oglasne procedure sa korisnikom koji ostvari pravo na dodjelu stana u zakup će se zaključiti Ugovor kojim će se preciznije odrediti prava i obaveze zakupodavca i zakupoprimca. Gradonačelnik ili osoba koju on ovlasti zaključuje ugovor o zakupu stana sa zakupoprimcem. Ugovor o zakupu stana zaključuje se na određeno vrijeme.

Stanovi koji se dodjeljuju oglasom namijenjeni su za:

- Jedan ili dva člana domaćinstva (2 stana).

Javni oglas će se objaviti na oglasnoj ploči Grada Srebrenika i na web stranici Grada Srebrenika.

**Pismene prijave se dostavljaju u roku od 15 dana od dana objavljivanja na adresu: Grad Srebrenik, Služba za boračko invalidsku zaštitu i društvene djelatnosti, ul. Ibrahima Salihovića bb, 75350 Srebrenik ili direktno na pisarnicu Grada. Nepotpune i neblagovremene prijave neće se uzeti u razmatranje.**

Traženu dokumentaciju **obavezno** je dostaviti u originalu ili ovjerenj kopiji.

GRADONAČELNIK  
Adnan Bjelić

